



Rialtas na hÉireann
Government of Ireland



An Roinn Oideachais
agus Scileanna
Department of
Education and Skills

AN ROINN OIDEACHAIS AGUS SCILEANNA
RIACHTANAIS IONTRÁLA DO CHÚRSAÍ
OIDEACHAIS MAR MHÚINTEOIR BUNSCOILE 2020
COMÓRTAS NA LÁR-OIFIGE IONTRÁLA

DEPARTMENT OF EDUCATION AND SKILLS
ENTRY REQUIREMENTS FOR INITIAL TEACHER
EDUCATION COURSES FOR PRIMARY TEACHERS
2020

CAO COMPETITION

1. Iarratas ar iontráil ar Chlár Baitsiléara Oideachais

Tá iarratais á lorg i gcomhair iontrála chuig cúrsa ceithre bliana lánaimseartha chun Céim Bhaitiséara Oideachais (B.Ed.) a bhaint amach arna bronnadh ag na hInstitiúidí Ardoideachais (IAO) seo a leanas do mhúinteoirí bun scoile:

- Institiúid Oideachais Marino, Ascaill Uí Ghríofa, Baile Átha Cliath 9
- Coláiste Mhuire gan Smál, an Cuarbhóthar Theas, Luimneach
- Institiúid Oideachais Ollscoil Chathair Bhaile Átha Cliath, Campas Choláiste Phádraig, Droim Conrach, Baile Átha Cliath 9
- Roinn Froebel don Bhunoideachas agus don Oideachas Luath-Óige, Ollscoil Mhá Nuad.

(Tá sonraí teagmhála do na hInstitiúidí Ardoideachais leagtha amach ag *Aguisín 1*).

Féadfar daoine a chríochnaíonn an cúrsa seo go rathúil a chlárú leis an gComhairle Mhúinteoireachta faoi Bhealach 1: Bun scoil. Nasc chuig an Suíomh gréasáin: <https://www.teachingcouncil.ie>

Déantar iarratais tríd an Lár-Oifig Iontrála. Ní mór go mbeadh 16 bliana ar a laghad slánaithe ag iarratasóirí faoin 15 Eanáir sa bhliain ina ndéantar an t-iarratas (15 Eanáir 2020 i gcomhair iontrála i bhfómhar na bliana 2020).

2. Íosriachtanais Acadúla 2020 – Scrúdú na hArdteistiméireachta

(a) Na híosgráid a bhfuil gá leo in ábhair riachtanacha

Ábhar	Gaeilge	Matamaitic	Béarla
Íosghrád ¹	H4	H7 nó O4	H7 nó O4
% Marc	60% < 70%	30% < 40% nó 60% < 70%	30% < 40% nó 60% < 70%

¹ Féach Aguisín 3 do na gráid choibhéiseacha sna scéimeanna marcála roimh 2017

H – Ardleibhéal
O – Gnáthleibhéal

(b) Na gráid ghinearálta a bhfuil gá leo san Ardteistiméireacht.

Mar aon leis na híosghráid riachtanacha i nGaeilge, Béarla agus Matamaitic a shásamh, caithfidh scoláirí na gráid seo a leanas a ghnóthú ina gcuid torthaí i gcoitinne.

- Grád H5 (50%<60%) ar pháipéar Ardleibhéil i dtrí ábhar ar a laghad
- Grád O6 (40%<50% Gnáthleibhéal) nó H7 (30%<40% Ardleibhéal) i dtrí ábhar eile i gcomhréir le Rialacha agus Clár do Mheánscoileanna.

Chun críche pointí, áireofar na sé ábhar is fearr in iarracht amháin ar Scrúdú na hArdteistiméireachta de réir nósanna imeachta na Lár-Oifige Iontrála. Cé nach bhfuil sé riachtanach na híosghráid atá sonraithe thuas a fháil sna hábhair Gaeilge, Béarla agus Matamaitic san iarracht céanna ar Scrúdú na hArdteistiméireachta, ba chóir d'iarratasóirí a thabhairt faoi deara go bhfuil sé riachtanach ar a laghad Grád H5 ar thrí pháipéar Ardleibhéil, agus Grád O6/H7 i dtrí ábhar eile a ghnóthú in iarracht amháin ar Scrúdú na hArdteistiméireachta.

Tá na gráid agus % marcanna i scéim grádaithe 1992-2016 agus i scéim grádaithe nua 2017 leagtha amach in Aguisín 3

Scrúduithe GCSE agus GCE, Leibhéal AS agus Leibhéal A – tá na híosriachtanais leagtha amach in *Aguisín 2*.

3. Gnás Roghnúcháin na Lár-Oifige Iontrála

Tiontófar na gráid a fuarthas i Scrúduithe na hArdteistiméireachta nó GCE de réir scála pointí an Choláiste chuí. Áit a bhfaighidh beirt iarratasóirí nó níos mó an líon iomlán céanna de

phointí, cuirfidh an Lár-Oifig Iontrála nós imeachta an roghnaithe randamaigh i bhfeidhm más gá.

Tabharfaidh an Lár-Oifig Iontrála fógra do na hiarratasóirí ar éirigh leo i gcomhréir leis na gnáthnósanna imeachta. Cuirfear na tairiscintí tosaigh ar áiteanna san áireamh i dtairiscintí “céad bhabhta” na Lár-Oifige Iontrála. Féadfar tuilleadh tairiscintí a dhéanamh i mbabhtaí eile ina dhiaidh sin, ag brath ar an bhfreagairt.

Éilítear ar iarratasóirí ar éirigh leo agus a ghlac le háiteanna dul isteach sna hInstitiúidí Ardoideachais san fhómhar (tá na dátaí féin ar fáil ó na hInstitiúidí ar leith). I dtosca speisialta, féadfar an dáta iontrála a chur siar ar feadh tréimhse theoranta, faoi rogha údaráis na nInstitiúidí.

4. Eolas breise

1. Inniúlacht sa Ghaeilge labhartha:

1. Cúrsa Gaeltachta – Freastal agus Costas: Caithfidh gach mac léinn ar chúrsa oideachas tosaigh múinteoirí (OTM) freastal ar chúrsaí cónaitheacha (2 x 2 chúrsa coicíse) sa Ghaeltacht. *Ba chóir a thabhairt faoi deara gur cuid **éigeantach** den chúrsa é seo.* Beidh an deontas Gaeltachta do mhic léinn atá ar chláir Oideachais Tosaigh Múinteoirí atá á maoiniú ag an Stát á thabhairt ar ais le héifeacht ón mbliain acadúil 2020/21.

2. Béaltriall Ghaeilge: Ina theannta sin, ba chóir d’iarratasóirí a thabhairt faoi deara go gcuirfear béaltriall Ghaeilge ar mhic léinn ag deireadh na chéad bhliana dá gcuid oideachais tosaigh múinteoirí, agus nach mór dóibh pas a fháil sa triail sin chun dul ar aghaidh chuig an dara bliain den chúrsa. Féadfar, faoi rogha na hInstitiúide, cead a thabhairt do mhic léinn a dteipeann orthu sa bhéaltriall Ghaeilge sin an triail a dhéanamh arís.

2. Deontais Mac Léinn:

Is é SUSI (Tacaíocht Chomhchoiteann do Mhic Léinn in Éirinn) údarás aonair náisiúnta bronnta na hÉireann i dtaobh na ndeontas uile ardoideachais agus breisoideachais. Moltar do mhic léinn iarratas deontais ar líne agus é comhlánaithe go hiomlán a chur faoi bhráid SUSI

ionas gur féidir a n-incháilitheacht maidir le cúnamh deontais a mheas. Táthar ag súil go n-osclóidh Scéim 2020/21 i gcomhair iarratas i mí Aibreáin 2020. Tá tuilleadh eolais maidir leis an Scéim Deontais do Mhic Léinn ar fáil ar shuíomh gréasáin SUSI ag www.susi.ie.

3. Scoláireachtaí:

Scéim Sparánachtaí Tríú Leibhéal

In 2012, bhunaigh an t-Aire Oideachais agus Scileanna ag an am, Ruairí Quinn T.D. scéim sparánachtaí do mhic léinn ó scoileanna DEIS bunaithe ar thorthaí scrúduithe na hArdteistiméireachta.

Níl iarratais ag teastáil do na sparánachtaí sin mar go mbronnar iad ar bhonn réigiúnach (Baile Átha Cliath, an chuid eile de Chúige Laighean, Cúige Mumhan agus Cúige Chonnacht/Uladh) bunaithe ar thorthaí scrúduithe na hArdteistiméireachta a gnóthaíodh in 2020.

Scéim Scoláireachtaí Uile-Éireann

Déanann an Roinn Oideachais agus Scileanna an Scéim Scoláireachtaí Uile-Éireann a riar agus tá sé á mhaoiniú ag J.P. McManus. Níl iarratais ag teastáil do na Scoláireachtaí Uile-Éireann mar go mbronnar iad bunaithe ar thorthaí scrúduithe na hArdteistiméireachta a gnóthaíodh in 2020. Tá siad ar fáil do mhic léinn Ardteistiméireachta céaduaire a bhí díolmhaithe ó tháille scrúdaithe na hArdteistiméireachta a íoc agus a d'fhreastail ar iarbhunscoileanna nach bhfuil táille le híoc iontu.

Tá tuilleadh eolais ar fáil ar an suíomh gréasáin Scoláireachtaí Uile-Éireann .

4. Feidhmiúlacht chun Cleachtadh:

1. *Grinnfhiosrúchán an Gharda Síochána:* Sula bhféadfaidh Institiúid Ardoideachais clárúchán mic léinn a chur i gcrích; éilíonn an Institiúid Ardoideachais ar gach mac léinn nua atá ag gabháil d'oideachas múinteoirí dul faoi phróiseas grinnfhiosrúcháin an Gharda Síochána d'fhonn a fháil amach an bhfuil aon chiontú acu nó cúiseamh coiriúil ar feitheamh. I gcás go ndearbhaíonn an próiseas sin go bhfuil a leithéid ann, cuirtear an cheist faoi bhráid Coiste Grinnfhiosrúcháin laistigh den Institiúid Ardoideachais a chinneann an féidir leis an

mac léinn leanúint dá c(h)lár staidéir.

2. *Riachtanais Leighis*: Éilíonn roinnt Institiúidí Ardoideachais go ndéanfadh gach mac léinn oideachais múinteoirí foirm eolais leighis a chomhlánú, ina léirítear cé acu an bhfuil nó nach bhfuil aon tinnis nó míchumais shuntasacha leanúnacha ag cur as dóibh a d'fhéadfadh cur isteach ar a n-inniúlacht maidir le riachtanais an chúrsa a shásamh, lena n-áirítear Socrúchán Scoile. Déanfar iontrálaithe a fhógraíonn riochtaí suntasacha sláinte, míchumais nó riochtaí síceolaíochta a mheas ar bhonn aonair chun a mheas an mbeadh an cumas acu, le socruithe réasúnta, éilimh an chláir a ghlacadh orthu féin. Ní dhéanfar daoine aonair a eisiáimh toisc go bhfuil riocht nó míchumas ar leith acu má mheastar gur dócha go mbeadh sé indéanta ag an duine sin riachtanais an chúrsa a shásamh le socrú (socruithe) réasúnta. Cuirfidh na hInstitiúidí comhairle ar mhic léinn maidir leis an nós imeachta atá le leanúint ina leith seo.

5. Iarratasóirí Gaeltachta: Féadfar suas le deich faoin gcéad de na hionaid ar chlár an Bhaitsiléara Oideachais a choinneáil d'iarratasóirí Gaeltachta, i.e. ní mór d'iarratasóirí cónaí a bheith orthu sa Ghaeltacht mar a aithnítear go hoifigiúil í agus an Ghaeilge a bheith in úsáid mar ghnáth-theanga teaghlaigh acu.

6. Institiúid Oideachais Marino - Baitsiléir Oideachais trí Mheán na Gaeilge (Múinteoireacht Bhunscoile)

Is cúrsa nua 4-bliana in oideachas tosaigh múinteoirí trí mheán na Gaeilge é an Baitsiléir Oideachais trí Mheán na Gaeilge (Múinteoireacht Bhunscoile) ag Institiúid Oideachais Marino a thosaigh i mí Mheán Fómhair 2019. Tá an cúrsa seo mar chuid d'fheidhmiú an Pholasaí don Oideachas Gaeltachta 2017-2022.

Fáiltítear roimh iarratais don chúrsa thuas tríd an Lár-Oifig Iontrála (cód chúrsa na Lár-Oifige Iontrála: CM003/CM004). I measc na n-íosriachtanas don chúrsa seo tá H3 i nGaeilge na hArdteistiméireachta. Mar aon leis an híosriachtanais iontrála, caithfidh iarratasóirí 50% nó níos mó a ghnóthú sa scrúdú Teastas Eorpach na Gaeilge (TEG) Leibhéal B1. Ba chóir d'iarrthóirí nach bhfuil sé déanta cheana féin acu cur isteach ar an scrúdú sin faoin 20 Márta

2020 (www.teg.ie/oid). Tá sonraí iomlána maidir leis an gcúrsa sin ar fáil ar líne ag www.mie.ie/oid.

Aguisín 1

Institiúidí Ardoideachais – Sonraí Teagmhála

Institiúid Oideachais Marino

Ascaill Uí Ghríofa

Baile Átha Cliath 9

Teileafón: (01) 805 7742

Ríomhphost: admissions@mie.ie

Suíomh gréasáin: www.mie.ie

Roinn Froebel don Bhunoideachas agus don Oideachas Luath-Óige Ollscoil Má Nuad

Má Nuad

Co. Chill Dara

Teileafón: (01) 708 3822

Ríomhphost: admissions@mu.ie

Suíomh gréasáin: www.maynoothuniversity.ie

Coláiste Mhuire gan Smál

An Cuarbhóthar Theas

Luimneach

Teileafón: (061) 204 300

Ríomhphost: admissions@mic.ul.ie

Ríomhphost: www.mic.ul.ie

Institiúid Oideachais Ollscoil Chathair Bhaile Átha Cliath

Campas Choláiste Phádraig, Ollscoil Chathair Bhaile Átha Cliath

Droim Conrach

Baile Átha Cliath 9.

Teileafón: [01-8842212](tel:01-8842212)

Ríomhphost: ioe@dcu.ie

Ríomhphost: www.dcu.ie

Aguisín 2

Íosriachtanais Acadúla i Scrúduithe an GCSE agus an GCE Leibhéal AS agus Leibhéal A d'iontráil ar an gCúrsa Céime don Bhaitisiléir Oideachais

Ginearálta

- Ní mór sé ábhar a chur i láthair, trí cinn acu ar a laghad ar an GCE Leibhéal A agus na hábhair eile ar Leibhéal GCE AS nó GCSE. Ní mór Gaeilge, Béarla agus Matamaitic a bheith san áireamh sna sé ábhar.
- Ní fhéadfar ábhar a chomhaireamh ach amháin ó cheann de na scrúdaithe, GCSE, GCE Leibhéal AS nó GCE Leibhéal A.
- Ní ghlacfar ach le hábhair a rinneadh in aon iarracht amháin de scrúdú ar leith, GCSE, GCE Leibhéal AS nó GCE Leibhéal A. Meastar gur cuid den iarracht chéanna iad scrúduithe a dhéantar sa bhliain acadúil chéanna.

Riachtanais Shainiúla sa Ghaeilge, sa Bhéarla agus sa Mhatamaitic

- Grád C ar GCE Leibhéal A i dtrí cinn d'ábhair ar a laghad, an Ghaeilge san áireamh
- Grád C ar Leibhéal GCSE sa Bhéarla agus i Litríocht an Bhéarla, nó Grád B ar Leibhéal GCSE i gceachtar acu sin
- Grád D ar Leibhéal GCSE sa Mhatamaitic Bhreise nó Grád C ar Leibhéal GCSE sa Mhatamaitic
- Grád C in ábhar amháin eile ar leibhéal GCSE

Ní mór d'iarratasóirí riachtanais mháithreánaigh na hOllscoile lena bhfuil an Coláiste Oideachais cleamhnaithe a shásamh.

Aguisín 3

Scéimeanna Grádaithe na hArdteistiméireachta (Scéim 1992-2016 agus Scéim Nua 2017)

Scéim 1992 – 2016	% a Bronnadh	An Scéim Nua ó 2017 ar aghaidh	% a Bronnadh
A1	90-100	H1 / O1	90-100
A2	85<90	H2 / O2	80<90
B1	80<85		
B2	75<80	H3 / O3	70<80
B3	70<75		
C1	65<70	H4 / O4	60<70
C2	60<65		
C3	55<60	H5 / O5	50<60
D1	50<55		
D2	45<50	H6 / O6	40<50
D3	40<45		
E	25<40	H7/O7	30<40
F	10<25	H8/O8	0<30